

談

書

錄

談書錄目次

題詞

汜勝之書

續齊諧記

論衡詩細

東征西征二賦

烹小鮮

從善如登白頭如新

言各有當

顧公車公

名勝

痴聾 中醫

布帆無恙

猖獗

觸諱

卿兄若翁

孫爲子子爲孫

盜不過五女之門

答颯

正月上旬占歲

箕口

人命八字總數

歐陽公相

相骨相聲

歷代官名

八座

太子師傅

倣書

比鉀 雲肩 繡花

神射

射蛟龍熊虎

錢譜

券

焚債券

坑

魏官闕

魏后妃出見臣下

何晏夫妻同母

鄭表馮文熊

劉義綦張敬兒

人名猪狗

石工安民李仲寧

若水若冰

宗道暉展

儒號法師釋封國公

武臣不能書

雀兒參政

呼臣爲哥

病瘡久任

隱相公相媼相

男服婦人服

女詐爲男

鄧通韓子高

面首左右男妾

驢鳴好惡

滴血

沐猴爲盜

盜割牛舌

人死於蚊

人無頭不死

人死得雨而蘇

斷腸草

方言

妻甥姨兄弟

娣姒妯娌

親家公

阿奴

拜堂

閨房曰弄女婿法

物事

把戲

乾阿嫗

婦稱太太

恩父義父義子

夢山楚濱雙山念堂

樂戶

創手

藏挾

猴部頭

選官圖

紙牌

骨牌

大和尚

七七

釋道方術

西遊記

琵琶記乃牛僧孺事

一捧雪是清明上河圖

楊六郎

宋江

王則張繼卜吉

烟草

談書錄

僞士性耽書而鈍於口耽書則癡鈍口則拙平生倥傯不去書疾病不釋卷而與人交無軟曲造次不能以詞自達秉於天者豈可得而強哉嘗觀史傳所載曰能劇談曰不能劇談人各有能有不能也康駢之錄以筆代舌每見俗事俚言亦各有本不盡出於無稽時因談及而筆錄之古云以世眼觀無真不俗以法眼觀無俗不真觀者之不同也顧所言不涉世事不牽時人僭僭衮衮仍是談書不輟耳錢唐九曜山民汪師韓

汜勝之書

漢藝文志農家有汜勝之十八篇注云成帝時爲議郎此卽班固注顏師古曰劉向別錄云使教田三輔有好田者師之徙爲御史其書本未有名月令草木萌動鄭注引農書疏曰先師以爲汜勝之書也李善注文選稱曰田農書與鄭氏合而後人引書者俱稱爲種植書遂不知

有田農之名。又文選注引王隱晉書曰。汜勝之。敦睦九族。見於王儉
褚淵碑文。內敦睦於閨庭之下。考晉書儒林傳。汜毓字稚春。濟北人。
奕世儒素。敦睦九族。客居青州。逮毓七世。時人號其家兒無常父。衣
無常主。汜勝之。當卽汜毓之先人。自成帝至晉。二百數十年。正可七
世。但勝之。漢人。不應稱述於晉史。而敦睦九族之語。與今唐修晉書
稱汜毓者無異。則選注所引王隱之書。亦是汜毓。而傳抄者誤爲勝
之也。漢書注。汜音凡。今本誤作凡又音敷。劒反。蓋汜濫音泛。人姓音凡。說文
只汜濫一解。無平音。廣韻始具平仄二音。汜之姓。乃取諸水名也。

續齊諧記

漢魏叢書有梁奉朝請吳均續齊諧記一卷。後有至元命于吳郡陸
友跋曰。齊諧者。志怪者也。蓋莊生寓言耳。今吳均所續。特取義云耳。
前無其書也。考文獻通考亦云。通雅曰。齊諧卽莊後入或作續齊諧記。按文獻通考經籍考。
陳氏曰。唐志又有東陽無疑齊諧志。今不傳。此書殆續之者歟。奈何。

厚詭通考也。東陽之書載在舊唐書經籍志。且文選注嘗引以注顏延年譙曲水詩及謝惠連詠牛女詩。而二注所引皆卽續齊諧記。李善冠以東陽之名。豈東陽無疑。卽均之隱名耶。至於至元命子。乃元世祖中統後改元之元年。是卽宋理宗景定五年。陸吳郡人。不應用元之號。若元順帝元統後亦改號至元。始乙亥訖庚辰。凡六年。又不值命子。或是至元二年丙子之訛。

論衡詩細

王仲任著論衡八十五篇。二十餘萬言。中土未有傳者。蔡邕入吳始得之。時人疑邕得與書。搜其帳中果得論衡。抱數卷持去。邕丁寧曰。唯我與爾共之。勿廣也。後王朗爲會稽太守。得其書。及還許下。時人曰。不見異人。當得異書。問之果以論衡之益。趙長君通韓詩。著詩細。蔡邕至會稽。讀詩細而嘆息。以爲長於論衡。邕還京。傳之學者。詩細今已無傳。隋經籍志注詩神泉一卷。漢有道徵士趙熹撰。亡神泉其

卽詩細耶。而長君所著吳越春秋盛傳。仲任又著養性書十六篇。則不傳。凡書之傳。固有數耶。王上虞人。趙山陰人。王師班彪。趙師杜撫。

東征西征二賦

潘安仁。小人也。其爲長安令。作西征賦。曰。某去魯而顧難。季過沛而涕零。敢於直稱孔子之名。季則謂漢高祖也。其曰。嗟鄙夫之常累。固旣得而患失。蓋自以爲鄙夫矣。曹大家子穀。爲陳留長。大家隨至官。作東征賦。曰。入匡郭而追遠兮。念夫子之厄勤。彼衰亂之無道兮。乃困畏乎聖人。其後曰。知性命之在天。由力行而近仁。勉仰高而蹈景兮。盡忠恕而與人好。正直而回兮。精誠通於明神。無不諒然。儒者之言。此豈潘岳可並論也。卽以文論。西征之冗雜。亦豈得如東征之雅潔哉。女中曹大家。真是第一流人物。立德立言兼之矣。

烹小鮮

道德經曰。治大國若烹小鮮。蓋謂烹小魚者。不事剗鱗。剖腹。意在簡。

易而已。後人詩文誤用。似與舉重若輕一例。宋史呂蒙正傳。一日上語侍臣曰。清靜致治。黃老之旨也。如汲黯卧治淮陽。子賤彈琴單父。皆真能行黃老之道者。蒙正曰。老子稱治大國若烹小鮮。今之上封事議制置者甚多。陛下唯清靜以鎮之足矣。此可爲証。

從善如登白頭如新

國語周敬王十年。衛彪侯適周。見單穆公曰。諺曰。從善如登。從惡如崩。韋昭注曰。如登喻難。如崩喻易。言人爲善難而爲惡易。並非以登爲贊美。崩爲棄疾也。漢書鄒陽上梁孝王書曰。語曰。白頭如新。傾蓋如故。漢書音義曰。或初不相識相知。至白頭猶不相知。文選李注引家語。孔子之郊。遭齊程木子於塗。傾蓋而語。終日甚相悅。此蓋言一則至老不知。一則乍見卽知。不可以如新作善終如始解也。

言各有當

和士開曰。自古帝王盡爲灰土。堯舜桀紂。竟復何異。宜及少壯恣意。

作樂從橫行之快活。卽是一日敵千年。韓鳳作龜茲曲曰。更可憐人。生如寄。唯當行樂。何用愁爲。史傳載此深譏之也。然觀後人詩詞。多及此意。則又諷誦以爲達觀。故曰。言各有所當也。因思潘岳閒居賦。石崇思歸引。苟非其人。亦何取乎爾。

顧公車公

三國吳顧雍傳。雍爲人不飲酒。寡言語。權嘗嘆曰。顧君不言。言必有中。又曰。顧公在坐。使人不樂。晉車武子傳。武子清素博學。善於賞會。當時有盛坐。如武子不在。皆云。無車公不樂。夫武子囊螢讀書。其與賞會。定不數數。而雍從學。琴書於蔡邕。敏而易教。邕異之。謂曰。卿必成。致今以吾名與卿。故雍與伯喈同名。字元歎。言爲伯喈之所歎賞也。然則雍固未嘗無樂之者矣。世有盛坐。安得盡有車公。無顧公也。雖然爲車公難。爲顧公易。吾寧爲顧公。

名勝

後世以地有勝景者爲名勝。非也。晉書王導會三月上巳。帝親觀禊。乘肩輿。具威儀。敦導及諸名勝。皆騎從。此名勝。猶云名士。又北齊邢邵少在洛陽。會天下無事。與名勝以山水宴遊爲娛。亦謂人也。

痴聾 中醫

不痴不聾。不成姑公。本慎子語。慎到曰。不聽不明。不能爲正。不聾不聵。不能爲公。宋書庾登之傳引之。有疾不治。恒得中醫。見漢書藝文志。皆至言也。

布帆無恙

今人贈遠多云布帆無恙。按晉書顧愷之傳。嘗因假還。殷仲堪特以布帆借之。至破冢遭風大敗。愷之與仲堪牋曰。地名破冢。真破冢而出。行人安穩。布帆無恙。此謂帆無恙。非謂人無恙也。而文人多誤用。

猖獗

凡言猖獗者。猖狂也。古今宜無異解。乃三國志諸葛亮傳。先主謂亮曰。孤不度德量力。欲信大義於天下。而智術淺短。遂用猖獗。是則猖

厥乃竭蹙之意矣。袁宏後漢紀作猖蹙。可証三國志之訛字。

觸諱

宋殷淑儀卒。謝超宗作誄奏之。帝大嗟賞。謂謝莊曰。超宗殊有鳳毛。謂靈運復出也。時右衛將軍劉道隆在座。出侯超宗曰。聞君有異物。可見乎。超宗曰。懸磬之室。復有異物耶。曰。旦侍宴。至尊說君有鳳毛。超宗以觸諱。遽還內道。隆謂檢覓鳳毛。至闇乃去。靈運子鳳早卒。超宗父也。及超宗候王僧虔。因往東齋。請其子慈。慈正學書。超宗曰。卿書何如虔公。慈曰。慈書比大人。知鷄比鳳。超宗狼狽而退。無亦責人明而責己昏耶。

卿兄若翁

三國志。趙子龍不取趙範寡嫂。曰。相與同姓。卿兄猶我兄。此語可對。漢高祖吾翁。卽若翁之語。然而漢高有愧子龍矣。

以孫爲子。以子爲孫

五代史。世家。閩陳洪進傳。有相者言。洪進一門受祿。當至萬石。時洪

進與三子皆領州郡而文顯之子始生洪進欲應其言乃以為子名

文瑱與父並行宋太祖授洪進觀察使檢校太傅以文顯為副使文顯為刺史太宗加洪進

獎蓋指文瑱也宋史王普傳普子貽孫貽孫弟子克明尚太宗鄭國公主改名

貽永令與其父同行云此皆以孫為子者也五代史晉家人傳重允

高祖弟高祖愛之養以為子故名下齒諸子出帝名重貴乃高祖兄子高祖六

死而重貴幼故重貴得立宋史周三臣傳李筠保澤州太祖拔其城筠將赴火妾劉

氏欲俱死筠以其有娠麾令去筠子守節購得之生一男子守節卒

無後以劉氏所生之子為嗣此則以子為孫者也今蘇松嘉湖間陋

俗每以最少子為長子之子其父母自始生時即以孫子呼之特鄉

野然耳近見汪堯峯文集內族譜後序云繼高祖者為適子贈參政

公參政公之適子贈刑部公刑部公之適子度歿無後不後兄弟之

子而後母弟廣州公廣州公官刑部乃謂兄弟不相為後久之而始

以已之幼子為之後又見永年申頌字敬立乃端愍公佳允之孫耐俗軒課兒文訓云

甯元著先生

名衡諱順治已亥進士官御史

嘗見松江一進士齒錄刻男某係胞弟蓋士

大夫家亦有之不自知其非理矣

盜不過五女之門

盜不過五女之門自漢有此語後漢書陳蕃傳桓帝內寵猥盛蕃上疏曰鄙諺云盜不過五女門以女貧家也今宮女衆多豈不貧國乎且聚而不御必生悲怨之感以致水旱之災帝頗納其言爲出宮女五百餘人然則女者婦也而今人乃以生女多者當此語是亦有本顏氏家訓治家篇曰太公曰養女太多一費也陳蕃云盜不過五女之門女之爲累亦以深矣然天生蒸民先人傳體其如之何世人多不舉女賊行骨肉豈當如此而望福於天乎雖皆引陳蕃語意各不同

答颯

俗語云沒答颯二字見宋書鄭鮮之傳范泰謂鮮之仕宦不及傅亮

謝晦曰今日答颯去人遼遠

正月上旬占歲

東方朔占歲書自正月一日至八日爲鷄狗猪羊牛馬人穀其日晴所主之物有陰則災按占歲書莫識由來而其說則見於王充論衡物勢篇又見北史齊魏收傳其言本諸晉議郎董勛不云出東方朔也顧亦不及王充何歟又遼史禮志凡正月之日一鷄二狗三豕四羊五馬六牛五六互易與前微異七日爲人其占晴爲祥陰爲災俗煎餅食於庭中謂之薰天

箕口

韓昌黎三星行一章三星者斗牛箕也詩曰我生之辰月宿南斗牛奮其角箕張其口牛不見服箱斗不挹酒漿箕獨有神靈無時停簸揚無善名已聞無惡聲已謹名聲相乘除得少失有餘三星各在天什伍東西陳嗟汝牛與斗汝獨不能神東坡志林曰退之詩云我生

之辰月宿值斗。乃知退之磨蝎爲身官。而僕乃以磨蝎爲命。平生多得謗譽。殆同病也。通雅曰。磨蝎忌犯也。梁書太清元年。行大捨日。羯磨術家之磨蝎。本於羯磨。梵云蝎磨。此云作白。作白猶布薩也。受戒三番。每月自白其所犯。作白令其白也。又按春秋傳曰。雖蝎譖。焉避之者。蝎音曷。木蠹也。言潛由中出。如蠹正與箕口意同。往有友人爲余推命。引韓蘇爲說。余命躔畢月。以水爲命。而水在箕度。其毀譽乘除宜也。獨奈何。但有毀譽而無學問哉。

人命八字總數

王魯齋云。命有二百五十九萬二千命。周櫟園書隱云。人命八字共計五十一萬八千四百。卽以上四刻下四刻論。亦只一百萬零三萬六千八百。然則安有二百餘萬耶。或有是年無是月。或有是月無是日。如六命之年。其正月皆是丙寅。六命之日。其子時皆是命子。故不可以六十四卦相乘。爲四千九十六卦之例。例之也。

歐陽公相

歐陽文忠公耳白於面所見宋人說部凡三處孔平仲談苑云歐公嘗曰少時有僧相我耳白於面名聞天下唇不着齒無事得謗其言頗驗耳白於面則衆所共見唇不着齒余不敢問公不知何也又陳師道後山談叢云六一爲布衣客相之曰耳白於面名則遠聞唇不貼齒一生惹謗言語毀譽豈亦有命耶又張耒明道雜志云歐陽文忠應舉時嘗遊京師浴堂院有一僧熟視公公因問之曰吾師能相人乎僧曰然足下貴人也然有二事耳白於面當名滿天下鬚不掩齒一生嘗遭人謗罵其後公以文章名世而屢爲言者中以陰事然卒踐二府以上三條惟說齒與鬚不同其以耳白爲佳相同也有人焉耳則白矣又無唇不貼鬚不掩之患而乃謗罵多出意外將毋耳白正是遭謗之相而唇不着齒鬚不掩齒正是名聞天下之相安得有來和相經一爲證其說

隋書來和字宏順善相術著相經四十卷

相骨相聲

北齊書本紀高祖神武帝高歡與司馬子如劉貴賈顯智爲奔走之友劉貴嘗得一白鷹與神武及尉景蔡儁子如顯智等獵於沃野見一赤兎每搏輒逸遂至迴澤澤中有茅屋將奔入有狗自屋中出噬之鷹兎俱死神武怒以鳴鏑射之狗斃屋中有二人出持神武襟甚急其母兩目盲曳杖呼其二子曰何故觸大家出甕中酒烹羊以飯客因自言善暗相遍捫諸人皆貴而指麾俱由神武又曰子如歷位顯顯智不善終餓竟出行數里還更訪之則本無人居乃向非人也按盲者善相是今揣骨相也又方伎傳皇甫玉善相人顯祖既卽位試玉相術故以帛祿其眼而使歷摸諸人至於顯祖訖曰此是最大達官於任城王曰當至丞相於常山孝昭長廣武成二王並亦貴至石動桶曰此弄癡人至二供膳曰正得好飲食而已玉嘗爲高歸彥相曰位極人臣但莫反歸彥曰我何爲反玉曰不然公有反骨

王每照鏡自言當死後爲孝

昭所。世宗時，文有吳士雙盲，妙於聲相。世宗歷試之，聞劉桃枝之聲，曰：「有所繫屬，然當大富貴。」王侯將相多死其手，譬如鷹犬爲人所使。聞趙道德之聲，曰：「亦繫屬人，富貴翕赫不及前人。」聞太原公之聲，曰：「當爲人主。」聞世宗之聲，不動。崔暹私招之，乃謬言亦國主也。世宗以爲我羣奴，猶當極貴，况吾身也。周櫟園書影謂揣骨相始于唐貞元末，相骨山人捫杜循事，未之考耳。

歷代官名

官名各有其義。虞書有揆四岳，周禮六官，先儒釋經各有訓詁矣。歷代之官，宋書百官志有解，雖未盡當，度必有所自來。如云三公之職，太師居首，晉景帝名師，故置太宰以代之。太宰蓋古之太師也。丞相丞奉相助也。太尉自上安下曰尉。大司馬司主也。馬武也。司徒司空司馬爲三司。司徒又爲太尉，司空又爲御史大夫，隋唐以太尉司徒司空爲三公，則又不同。大將軍周制王立六軍，晉獻公作二軍，公將上軍，將軍之名起於此也。東漢位在三司上，漢驃騎將軍

車騎將軍衛將軍三將軍位亞三司章帝始用車騎將軍馬防班同
三司漢末奮威將軍晉伏波輔國將軍並加大儀同三司征東征西
征南征北四將軍曰四征位次三公祭酒祭祀以酒爲本長者主之
故以祭酒爲稱太常欲令國家盛大常存光祿勳光明也祿爵也勳
功也廷尉凡獄必質之朝廷與衆共之之義兵獄同制故曰廷尉導
官令導擇也擇米令精也大鴻臚鴻大也臚陳也大長秋皇后卿也
以皇后陰官秋者陰之始取其終而長欲其久也尙書秦世少府遣
吏四人在殿中主發書故謂之尙書尙猶主也漢制有尙冠尙衣尙浴尙席
尙書食六尙秦有尙書令
尙書僕射古者重武官以善射者掌事故曰僕射僕役於射事也度
支支派也度量也黃門者禁門曰黃闕中人主之故號曰黃門令奉
朝請奉朝會請召而已越騎掌越人來降因以爲騎也一說取其材
力超越也長水關中小水名也射聲士聞鼓則射之虎賁漢武帝徵
行出遊選材力之士執兵從送期之諸門故名期門虎奔言如虎之

奔走也。王莽以古有勇士孟賁，故以奔爲賁。詢者，謁請也。詹事，詹省也。刺史，刺之爲言，猶參覘也。按：賁有太宰、百帥，或用其名者，周有虎賁，何云王莽自古有勇士孟賁而改乎？以上所釋，不無臆度附會。然若後世之史，但紀一代之官，曾不知此官名是因是創，又安問其何義耶？是亦史學之一端也。

八座

百官志曰：五尚書、二僕射，一令，謂之八座。有右僕射，則不置祠部尚書。今人不知其解，今所謂八座，乃南齊書明帝諸子江夏王所乘八擗輿也。

太子師傳

元史許衡傳：王文統奏以姚樞爲太子太師，竇默爲太子太傅，許衡爲太子太保，將入謝。衡曰：「禮，師傳於太子，位東西向；師傳坐，太子乃坐。公等度能復此乎？若不能，則師道自我廢也。」樞以爲然，乃相與力辭。又儒學傳：蕭鄭拜太子右諭德，固辭，人問其故，曰：「在禮，太子東面，師傳西面，此禮今可行乎？二事相類，是皆合於古爲師弗臣之義。」

做書

今童子入塾學字有做未寫學生某習字元史巉巉傳云有達官曰儒有何好君酷愛之巉巉曰世祖以儒足以致治命裕宗學於贊善王恂今秘書所藏當時做書御筆於學生之下親署御名習書謹呈其敬慎若此

比鉀 雲肩 繡花

比鉀雲肩之製皆始於元元世祖皇后宏吉刺氏製一衣前有裳無衽後長倍於前無領袖綴以兩襟名曰比鉀以便弓馬時皆做之又順帝本紀有雲肩合袖天衣輿服志云雲肩制如四垂雲青綠黃羅五色嵌金爲之襖鉀制如雲肩青錦質綠以白錦裏以白絹雲肩之名至今無改比鉀在明曰褙子今或稱背搭背心明洪武元年定命婦之服俱用翟衣而有等焉繡翟九重一品翟衣八等二品七等三品六等四品五等五品自一品至五品衣色用紫四等六品三等七品凡六七品衣色俱用綠四年以羣臣不敢

用冕命婦亦不當用翟衣。改制金繡文一品金繡雲肩大雜花二品金繡大雜花三品繡小雜花四品銷金大雜花五品銷金小雜花六品大紅素羅七品入品至霞帔褙子墜子首飾鐲釧團衫之制各有等差詳見輿服志

神射

曹子建齊瑟行名都篇曰左挽因右發一縱兩禽連餘巧未及展仰手接飛鳶此當虛語耳然神於射者不獨穿楊貫蝨沒石飲羽稱異前代也魏書陳留王虔昭成嘗臨陣以稍刺人遂貫而高舉又嘗以一手頓稍於地馳馬僞退敵人爭取引不能出虔引弓射之一箭殺二三人搖稍之徒亡魂而散乃令人徐取稍而去宋史范廷召嘗出獵有羣鳥飛過廷召發矢並貫其三觀者駭異又范恪有弓勝一石七斗其箭鏃如鏹名曰鏹弓凡所發必中至一箭貫二人又何灌遼人來犯灌迎高射之發輒中或著崖石皆沒鏃與夏人戰遇鐵騎來追灌射皆徹鏃至洞胸出背登貫後驅又劉錡嘗從其父仲武征討

牙門水斛滿以箭射之拔箭水注隨以一矢室之人服其精又忠節傳康保裔善騎射嘗握矢三十引滿以射箭鏑相連而墜人服其巧金章宗本紀獵於豁赤火一發貫雙鹿

射蛟龍熊虎

漢武帝射蛟本馮倖忤當熊外戚班史述之後世稱焉然後世更有奇者遼太祖神冊五年五月有龍見於拽刺山陽水上上射獲之藏其骨夫武帝射蛟從陽江中漢書亦云獲之獲蛟與獲龍猶相等也遼道宗咸雍元年七月以皇太后射獲熊賞資百官有差十月幸暨巫閭山皇太后射獲虎大宴羣臣令賦詩豈不殊絕乎雖然射熊勇也當熊忠也上李虎閣關張熊虎出圖筆法筆上馮健在直前當熊而立當熊其近於仁者之勇乎

錢譜

錢譜始於蕭梁唐亦有譜宋則爲志爲譜尤多而皆不傳所見明以來錢譜只是摹拓其文而已竊謂譜當以諸史食貨志爲本考其源

委得失。旁及百家雜記。或有事近鄙陋。而可資談助者。亦載之。如南齊曹虎任雍州。致錢七十萬。悉厚輸大郭。或傳虎每好風景。輒開庫拍張向之。又廢帝極意賞賜。左右動至百數十萬。每見錢。輒曰。我昔時思汝一餉不得。今日得用汝。未。唐陽城傳。有陳長者。候其得俸。常往稱錢之美。月有獲焉。元史脫脫欲更鈔法。僞哲篤請以楮幣一貫文爲父銅錢爲子。呂思誠曰。中統至元。自有母子上料爲母。下料爲子。譬之蒙古人。乞養漢人子爲子。終爲漢人之子。豈有故紙爲父。而立銅爲過房兒子者乎。一座咸笑。此皆載在正史。而可笑若此。

券

宋蕭參撰希通錄

參號通若居士錄撰於嘉定癸未。乃宋寧宗嘉定十六年。或稱元人書非。

有論執券取償一條。史

記田敬仲世家。蘇代謂田軫曰。公常執左券以責於秦韓。又平原君傳。虞卿其兩權事成。操右券以責券者。取其合符之義。曰左曰右。皆可。按謂券如合符是也。謂曰左曰右皆可。非也。蓋古人尙右。右券乃

券自人與者左券乃券自我出者

焚債券

焚券事古多有之而事各不同史記馮驩爲孟嘗君收責於薛貧窮者燔券書以捐之爲市義也漢書高帝常從王媼武負貰酒此兩家常折券棄負顏注曰以簡牘爲契券既不徵索故折毀之棄其所負爲見光恠也宋史陳希亮年十六將從師其兄難之使治錢息三十餘萬希亮悉召取錢者焚其券而去爲志學也若後漢樊重貰至巨萬年八十餘終素所假貸人間數百萬遺令焚削文契北齊李元忠家素富在鄉多有出貸元忠焚券免債邵君仲臨終貸人錢物書券自焚之曰吾不能以德教子孫不欲復以賄利累之此其富而好禮爲可尙矣隋李士謙出粟數千石貸鄉人值年穀不登悉召債家爲設酒食對之燔契曰債了矣盧義傳有穀數萬石貸民以年穀不熟乃燔其契金章宗時定羞民張顯焚券已責又獻粟千石以賑饑此

因歉歲而施惠亦盛德事也。宋王宏父珣晉司徒頗好貸貨物取息珣卒宏悉燔券書一不收責齊崔慰祖父慶緒爲梁州刺史及亡慰祖料得假貸文疏謂族子紘曰彼有自當見還彼無吾何言哉悉焚之此皆以子焚父券爲最難得也。北齊蘭陵王孝瓘又名長恭後主武平四年飲藥死有千金責券臨死盡燔之此由死非其命有感而然獨惜其未爲於無事之日耳。至前五代宋顧覲之中子綽私財甚豐鄉里庶士多負其責覲之禁之不止及爲吳郡謂綽曰我常不許汝出責近來思之貧薄亦不可居民間與汝交關有幾許不盡及我在郡爲汝督之綽大喜悉出文券一大厨呈覲之覲之悉焚之宣語遠近負三郎責皆不須還券書悉焚之矣。綽懊歎彌日此則以父焚子券快哉。又有以官焚民券者真德秀知泉州泉多大家爲閭里患痛繩之有訟田者至焚其券不敢爭而北齊循吏蘇瓊之事尤可喜焉。清州沙門統道研沙門統研今僧綱司資產巨富在郡出息常請郡縣爲徵及來謁

瓊知其意。每見談問元理。研無由啟口。弟子問其故。研曰。每見府君。徑將我入青雲間。何由得論地上事。遂焚券。夫瓊固妙矣。彼道研者。其猶勝於今之披紫乘拂者哉。

坑

魏書儒林陳奇傳。游雅取陳奇所注論語。孝經。焚於坑內。奇曰。公貴人不乏樵薪。何乃燃奇論語。雅愈怒。遂抵奇罪。竟致大戮。遂及其家。隋書河東隱士張文詡曰。吾昨風眩。花坑坑。卽今之坑也。日知錄記土坑。引舊唐書高麗傳。不及此二條。元字文懋。昭金志云。穿土爲牀。煨火其下。而寢食起居其上。此卽坑也。志又云。家無大小。皆坐坑上。則明稱爲坑。宋朱弁坑寢詩云。禦冬貂裘敵一坑。且賒伏汪水雲湖山類稿。幽州會同館詩云。收拾碎磚裨暖坑。掘穿平地結寒爐。坑字自宋已入詩矣。按坑見爾雅釋木。甘泉賦曰。坑浮柱之飛榦兮。李善注云。坑舉也。漢書王莽傳贊曰。皆坑龍絕氣。坑與亢抗字同。後人因

坑音枯橫切而土炕所以煨火乃直用炕字非字之本義也

魏宮闕

魏都賦所言魏之宮闕始自正殿遞及南北東西復自左而前而後而右賴有張孟陽舊注規模猶可彷彿魏之正殿曰文昌殿前值端門端門之前南當南止車門又有東西止車門端門之外東有長春門西有延秋門文昌殿前有鍾簏其銘曰惟魏四年歲在丙申龍次大火五月丙寅作狔賓鍾又作無射鍾七月設鍾簏於文昌殿前按曹操以建安十八年自立爲魏公二十一年自進魏王魏四年丙申之五月正自進爲王之月先於建安十九年十二月天子命於宮殿設鍾簏至是年五月巳爵爲王乃鑄而設之漢制諸侯王得自稱其有國之年猶之秦誓書十有三年春秋書隱公元年也文昌殿東有聽政殿內朝所在也聽政殿前聽政門聽政門前升賢門升賢門左崇禮門右順德門順德門當在升賢門之右注曰崇禮門右順德門當是誤紀三門並南向升賢門前宣明

門宣明門前顯陽門。顯陽門前有司馬門閣守門也。升賢門內聽政。
閣向外東入有納言閣。向書臺。宣明門內升賢門外東入有內鑒署。
顯陽門內宣明門外東入最南有謁者臺閣。次中央符節臺閣。最北
御史臺閣。三臺並別西向。符節臺東有丞相諸曹聽政殿。後有鳴雀
堂。椒梓坊。水蘭坊。文石室。後宮所止也。鳴雀堂之前次聽政殿之後。
東西二坊之中央有溫室。中有畫像讚。賦曰。西南其戶。成之匪日。丹
青炳煥。特有溫室。儀形宇宙。歷象賢聖。圖以百端。絳以藻詠。其繪畫
可想見也。文昌殿西有銅爵園。園中有魚池。堂皇銅爵園西有三臺。
中央有銅爵臺。南則金虎臺。北則水井臺。銅爵臺有屋一百一
間。金虎臺有屋一百九間。水井臺有屋百四十五間。下有冰室。冰室在臺下。室在臺上。非二臺與法殿皆閣道相通。常司馬門南出道西最北
東向相國府。第二南行御史大夫府。第三少府卿寺。道東最北奉常
寺。次南大農寺。出東掖門正東道南西頭太僕卿寺。次中尉寺。出東

掖門宮東北行北城下東入大理寺宮內大社西郎中令府城南有五營魏武帝爲魏王時太常號奉常廷尉號大理建安十八年始置侍中尙書御史符節調者郎中令太僕大理大農少府中尉二十一年大理鍾繇爲相國始置太常宗正二十二年軍師華歆爲御史大夫初置衛尉時武帝爲魏王置相國御史大夫也鄴城內諸街有赤闕黑闕正當東西南北城門最是其通街也官東有石竇橋其水流入南北里魏武帝時堰漳水在鄴西十里名曰漳渠堰東入鄴城經官中東出南北二溝夾道東行出城所經石竇者也官東中當石竇有長壽吉陽二里長壽北入吉陽南入皆貴里也鄴城西有元武苑苑中有魚梁釣臺竹園蒲萄諸果鄴城西下有乘黃廐西城下有白藏庫有屋一百七十四間鄴城南有都亭城東有都道北有大邸起樓門臨道建安中所立也按三輔黃圖宮與宮類臺與臺類閱之不易得其條理豈若賦中次序分明方位可識又以見古人森蔚璀璨

之文其詞不凌亂爲非後人所能及也

魏后妃出見臣下

魏文帝爲太子嘗請諸文學酒酣命夫人甄氏出拜坐中衆人咸伏而劉楨獨平視太祖以楨不敬減死輪作刑竟署吏文帝旣立嘗召吳質及曹休歡會命郭后出見帝曰卿仰諦視之父子不同若此當時宴會輒令后夫人出見豈相沿見小君之禮耶

何晏夫妻同母

何晏何進孫也魏太祖納晏母尹氏并收養晏見寵如公子晏母生沛王及女金鄉公主晏尙之夫妻一母所生也

鄭袤馮文熊

謝元暉新亭渚別范零陵詩云廣平聽方籍文選注引王隱晉書曰鄭袤爲中郎散騎常侍會廣平太守缺宣帝謂袤曰盧子家王子邕繼踵此郡欲使世不乏賢故復相屈袤字林叔滎陽人今晉書列傳

文同廣平府志職官名宦。但有盧毓王肅而不及裴。是跡也。又陸士衡贈馮文熊遷斥邱令四言詩。選注引晉百官名曰。外兵郎馮文熊。集云。文熊爲太子洗馬。遷斥邱令。贈以此詩。斥邱。今成安縣也。又贈馮文熊五言云。佇立望朔塗。悠悠迴且深。注云。馮在斥邱。故云朔塗。此與四言陟彼朔垂語正同。府志作馮熊。不詳其字。又訛作肥鄉。而成安縣志云無考。

劉義纂張敬兒

南史宋宗室及諸王傳。義纂弟義纂封營道侯。凡鄙無識。始興王濬嘗謂之曰。陸士衡詩云。營道無烈心。其何意。苦阿父如此。義纂曰。下官初不識士衡。何忽見苦。其庸塞皆然。齊張敬兒於襄陽城西起宅。聚物貨。宅大小殆侔襄陽。又欲移羊叔子墮淚碑於其處。立墓。綱紀諫曰。此羊太傅遺德。不宜遷動。敬兒曰。太傅是誰。我不識。二事相類。

史有敬兒初徵爲護軍。潛於第中。屏人學排。護軍封室中。解印綬。安侍。竊歎笑焉。將拜三司。謂其妻嫂曰。我拜後。府閭貴。爾因口自爲鼓聲。

人名猪狗

古人命名不嫌畜類故衛之史狗與蘧瑗史鮪同爲君子衛宣公之臣司馬狗漢書人表列在中中漢司馬相如父母愛之名之曰犬子後乃改名南齊武帝時有小吏姓黃名太子武帝曰皇太子不可爲名於是易名爲犬子何黯以爲不祥又齊張敬兒傳云父醜官至節府參軍始其母於田中卧夢犬子有角舐之已而有娠生敬兒故初名狗兒又生一子因狗兒之名復名猪兒宋明帝嫌狗兒名鄙改爲敬兒猪兒亦改恭兒敬兒白云貴不可言不自測量於鄉里爲謠言使小兒歌曰天子在何處宅在赤谷口天子是何誰非猪如是狗赤谷口敬兒所居地也後世名狗兒者遼史靈祖之後有小將軍狗兒聖宗第五子南府宰相狗兒皆無事蹟可紀又有遼將赤狗兒見於金史金世宗子鄭王永蹈初名石狗兒章宗時以謀逆賜自盡又李英傳蒲州西關堡守將王狗兒以守關誘殺賊使除通遠軍節度使

加榮祿大夫賜姓完顏氏英以狗兒賤卒恐衆望不厭而名之至可笑者莫如遼之皇族遼西郡王驢糞金宣宗時之濮王傳猪糞也元史石抹狗狗以武功著郭狗狗甯猪狗皆以孝行聞金亦有都統本紀所載仁宗延祐時有中書參知政事狗兒不知何姓而宰輔之臣有稱驢驢黑驢者夫孰非王侯將相哉

石工安民李仲寧

莫難於小人而有君子之行乃有事跡相類或幸而名彰或不幸而名辱宋史蔡京擅政撰姦黨碑令郡國皆刻石長安石工安民當鐫字鐫曰民愚人固不知立碑之意但如司馬相公者海內稱其正直今謂之姦邪民不忍刻也官府怒欲加罪泣曰被役不敢辭乞免鐫安民二字於石末恐得罪於後世聞者愧之王清臣揮塵錄云九江碑工李仲寧刻字甚工黃太史題其居曰琢玉坊崇寧初詔郡國刊元祐黨碑姓名呼使仲寧仲寧曰小人家舊貧窶止因開蘇內翰黃

學士詞翰遂至飽煖今日以爲姦不忍下手議之者曰賢哉士大夫之所不及也以兩事比觀安民特不鐫名耳碑固鐫也仲寧竟不鐫碑似尤勝矣乃安民事載正史而人無不知之仲寧僅紀於說部之書人罕有知者何不幸也蓋仲寧所爭在文情也安民所爭在行理也一人之私固不及天下之公也哉

若水若冰

宋史樊知古傳知古本名若水太宗問之曰卿名出何書對曰唐倪若水爲人亮直臣竊慕之上笑曰可改名知古倪若水實名若冰知古學淺妄引以對人皆笑之及後欽宗時李忠愍本名若冰欽宗乃賜名若水事有相類而相反者若此

宗道暉履

北史儒林宗道暉附錄安生傳好著高翅帽大履州將初臨輒服以謁見仰頭舉肘拜於殿上自言學士比三公後齊任城王浩鞭之道緯徐呼

安偉安偉出謂人曰我受鞭不着體復攝屐而去冀州人爲之語曰顯公鐘宋公鼓宗道暉屐李洛姬肚謂之四大顯公沙門也宋公安德太守也洛姬婦人也按安偉不知其解應是呼痛之聲四大不倫不意見之儒林傳

儒號法師祖師釋封國公

佛法旣行儒者多爲所惑梁書儒林傳皇侃性至孝常日限誦孝經二十遍以擬觀世音經夫誦孝經是矣何必擬觀世音經乎魏書儒林傳孫惠蔚先單名蔚正始中侍講禁內夜論佛經有愜帝旨詔使加惠號惠蔚法師焉北史儒林傳後周熊安生學爲儒宗與同郡宗道暉張暉紀顯敬徐遵明等爲祖師以法師祖師之名被於儒者當時不以爲非也而釋氏顧有稱將軍者魏志所載法果授以輔國宜城子忠信侯安城公等號皆固辭及卒贈老壽將軍趙胡靈公又曇詵亦加號老壽將軍唐代宗時胡僧不空官至特進大鴻臚開府儀

同三司。蕭國公通籍禁中。勢移公卿。見舊唐書王績傳。及徐浩書。不空和尚碑。降及元明。則有大寶法王。而若元之劉秉忠。拜光祿大夫。位太保。卒贈太傅。封趙國公。明之姚廣孝。拜資善大夫。太子少師。卒贈特進。光祿大夫。榮國公。還俗之僧。又不足道矣。

武臣不能書

武臣多不能書。三國志。蜀之王平。手不能書。所識不過十字。口授作書。皆有意理。使人讀史。漢聽之。知其大意。往往論說。不失其旨。動遵履度。言不戲謔。從朝至夕。端坐徹日。有儒將之風焉。宋書。沈慶之。手不知書。服不識字。上通令作詩。慶之口授。顏師伯曰。徵命值多幸。得逢時運昌。朽老筋力盡。徒步還南岡。辭榮此聖世。何愧張子房。上甚悅。衆坐稱其辭意之美。慶之每曰。衆人雖見古今。不如下官耳學也。此二人皆不必識字。而勝識字者多矣。南齊書。王敬則傳。世祖御座賦詩。敬則執紙曰。臣幾落此奴度內。世祖問此是何言。敬則曰。臣若

知書。不過作尙書都令史耳。那得今日敬則雖不大識書。而性甚警。點臨州郡令省事。讀詞下教判決。皆不失理。魏書楊大眼傳。雖不學。恒遣人讀書。坐而聽之。悉皆記識。令作露布。皆口授之。而竟不多識字也。後周梁臺。不過識千餘字。口占書啟詞意可觀。此三人較之王沈。抑其次也。宋書劉穆之傳。高祖書素拙。穆之曰。此雖小事。然宣被四遠。願公小復留意。高祖既不能厝意。又稟分有在。穆之乃曰。但縱筆爲大字。一字徑尺。無嫌大。旣足有所包。且其名亦美。高祖從之。一紙不過六七字。便滿。北史齊斛律金。不識文字。本名敦。苦其難署。改名爲金。猶以爲難。司馬子如教爲金字。作屋況之。其字乃就。北齊書庫狄干署名爲干字。逆上畫之。時人謂之穿。雖又有武將王周者。署名先爲吉。而後成。其外二人至孫。始並知書。是皆不長於舉筆耳。若金史赤盞合喜傳。元兵破汴。司諫陳奇屢言得失。切中時病。合喜大怒。召入省。呼其名責之曰。子爲陳山可耶。蓋不識奇字。至分爲兩耳。

以呼人名更奇矣。

元史本紀世祖至元十九年那旺國主忙昆以其國無識字者遣使來朝不奉表。

雀兒參政

蛇無頭而不行。俗語也。金史斜卯愛實傳。愛實括京城粟。自草括粟榜文。有雀無翅兒不飛。蛇無頭兒不行等語。以而作兒。掾史不敢易也。京城目之曰雀兒參政。

呼臣為哥

元史董文炳傳。丞相完澤用劉深言。出師征八百媳婦國。未及戰。士卒死者十已七八。百姓死者亦數十萬。文炳之子御史中丞士選率同列諫。帝麾之起。左右擁之以出。未數月。帝聞師敗。慨然曰。董二哥之言驗矣。吾愧之。始為罷兵。世祖常呼文炳曰董大哥。故帝以二哥呼士選。士選乃文炳次子。長子士元本行二也。近人評史者。乃以父大哥子二哥為可發一笑。幾疑其以父子分大二矣。按八百媳婦叛。是成宗大德元年事。罷征八百媳婦右丞劉深等官。是六年事。以征八百

媳婦喪師誅劉深是七年事

病瘖久任

古之仕者聲盲皆無礙於治事獨宋之楊信以病瘖而歷仕至十七年之久自建隆二年至太平興國二年瘖疾忽愈太宗聞之遣奉其第明日卒且尤奇者信有童奴曰玉能揣度其意每上前奏事及與賓客談論或指揮部下必迴顧玉書掌爲字玉直達其意無失天生信而使之瘖又生玉以佐其通顯不然則信與天下之疲癯殘疾者何異哉

隱相公相媼相

王黼父事梁師成見黼及師成兩列傳當時蔡京父子皆諂附師成人曰師成爲隱相又以蔡京爲公相童貫爲媼相三相中媼有二焉男服婦人服

薰衣雍面丈夫耻之何況粉黛後魏彭城王詔爲北齊文宣帝剃其鬚鬢加以粉黛衣婦人服以自隨曰以彭城爲嬪御譏元氏微弱比

之婦女。此出於不得已者也。後周宣帝令京城少年爲婦人服飾入殿歌舞。與後官觀之。以爲喜樂。當時禁天下婦人不得施粉黛。惟官人得乘有輜車。加粉黛焉。但其時自有妓樂。大成元年十二月。御正武殿。集百官及宮人。內外命婦。大列妓樂。二年四月。幸中山祈雨還宮。令京城士女於衢巷作音樂迎候。且詔天臺侍衛之官。皆著五色衣。以雜色爲緣。名曰品色衣。與公服間服之。蓋所鄭重。獨在粉黛耳。

女詐爲男

女詐爲男。不獨古樂府水蘭詞也。南齊書。東陽女子婁逞。變服詐爲丈夫。粗知園基。解文義。徧遊公卿。仕至揚州議曹。從事。事發明帝。驅令還東。逞作婦人服而去。嘆曰。如此伎。還之爲老嫗。豈不惜哉。史以爲人妖。陰欲爲陽。事不果。故泄。乃敬則遙光顯達。慧景之應。謝靈運。碧湖雜記。五代王蜀時。有崇報者。本臨邛女子黃氏。蜀相周庠。初在臨邛。蝦以詩上謁。庠稱之。薦攝府掾。吏事明敏。胥吏畏服。逾一載。欲

妻以女蝦以詩辭之曰一辭拾翠碧江涯貧守蓬茅但賦詩自服藍衫居郡掾永拋鸞鏡畫蛾眉立身卓矣青松操挺志堅然白壁姿幕府若容爲坦腹願天速變作男兒庠大驚召問具述本末乃黃使君之女元未從人惟老嫗同居近王漁洋輯五代詩話遺漏此條情乎崇嘏後事未詳若何也明史列女傳保寧韓貞女元末爲男子服被驅入伍從明玉珍破雲南遇叔贖歸成都始改裝同時莫不驚異洪武四年嫁爲尹氏婦後有南京黃善聰年十三失母父販香令爲男子服從遊數年父死變姓名曰張勝有李英者亦販香與爲伴侶踰年不知其女也後偕返改裝明日英來知爲女求婚善聰堅執不從有司聞之助以聘判爲夫婦凡此女詐爲男女皆貞潔故其事可紀若男詐爲女則前代絕無至近代乃有之皆以詐僞恣其奸淫此王法所不容誅也

鄧通韓子高

漢文帝嘗夢欲上天不能有一黃頭郎推上天覺而之漸臺以夢中

陰曰求推者即見鄧通鄧猶登也文帝甚悅尊幸之日異陳書韓子
高傳本名驪子文帝改名年十六為摠角容貌美麗狀似婦人文帝甚寵愛之文
帝嘗夢見騎馬登山路危欲墮子高推捧而升後進爵為伯賜死時兩
文帝夢畧同而兩人不得其死亦同也

面首左右男妾

宋孝武山陰公主楚玉悅褚淵請侍十日而夜就逼迫之曰君鬚髯
如戟何無丈夫意當時尚山陰者何哉也元徽初褚淵引戢為侍中
戢時年二十九自以年未三十苦辭內侍史稱戢美儀容動止與褚
淵相慕時人呼為小褚公然則戢固不劣于淵也自褚淵之不得而
乃置面首左右三十人戢女為齊鬱林王妃王所與無賴人遊妃擇
其美者皆與交歡其可指名者為侍書馮澄女巫子楊珉之不知妃
是主所生否也東昏侯嘗謂左右曰娶婦得如山陰主無恨矣齊明帝長女也
遂與之亂齊之山陰主與宋之山陰主又何其相似也文帝王后鬱

祔卽位尊爲皇太后稱宣德宮置男左右三十人男左右其卽面首左右之謂然李義山書宜都內人諫武后曰大家始今日能屏去男妾獨立天下則陽之剛亢明烈可有矣斯諫諫哉

驢鳴好惡

後漢書迎民傳戴良字叔鸞汝南人少誕節母喜驢鳴良嘗學之以娛母此好驢鳴之在王武子前者乃宋史稱范廷召不喜驢鳴聞必擊殺之好者固奇而惡者亦太甚矣

滴血

滴血事見於史者梁書豫章王綜母吳淑媛居齊東昏宮在潘余之亞及幸於高祖七月而生綜綜年十四五夢一年少肥壯自挈其首對綜以問淑媛知是東昏時淑媛寵衰因曰汝七月日生兒安得比諸皇子綜恒於別室祀齊氏七廟微服至曲阿拜齊明帝陵猶無以自信聞俗說以生者血滲死者骨滲卽爲父子綜乃私發東昏冢出

骨。歷臂血試之。并殺一男。取其骨試之。皆驗。舊唐書。博州聊城人王少元者。父隋末爲亂兵所害。少元遺腹生。年十餘歲。欲求尸以葬。時白骨蔽野。無由可辨。或曰。以子血沾父骨。卽滲入焉。少元乃刺其體以試之。凡經旬日。竟獲父骸以葬。盡體病瘡。歷年方愈。此皆父子事也。明史文苑傳。丁宦年。圓圓人。父職馬祿丁。以世廕爲武昌達魯花赤。至正壬辰。武昌被兵。宦年奉母走鎮江。母歿。避地四明。及海內大定。牒請還武昌。而生母馮已道阻前死。瘞東村廢宅中。宦年慟哭。行求母。告以夢。乃嚙血沁骨。歛而葬焉。烏斯道爲作丁孝子傳。此則母子事也。會稽陳業。兄渡海傾命。業流血洒骨收葬。此又兄弟事也。至如南史。宋吳興孫法宗。父隨孫恩入海被害。法宗至年十六。沿海尋求父尸。見枯骸。則割肉灌血。十餘年。臂脛無完膚。血脈枯竭。終不能逢。遂衰經終身不娶。嗚呼。是可哀矣。

沐猴爲盜

前聞陝西有猴盜庫銀事。守庫者獲得猴而不知主者姓名。官先期懸牌。擇一大寺廟中審訊。闔邑驚詫往觀。俟衆畢集。乃閉廟門。官佯訊猴不能語。鞭朴之。猴跳擲繩脫。吏趕打之。猴顧一人抱持不釋。卽猴主者也。四方稱其能吏。按此事古嘗有之。宋楊繪知興元府。庫緘被盜。繪就視之。見蹤跡不類人所出入。曰。吾知之矣。呼戲沐猴者詰之一訊。具服。此其智識似更奇也。

盜割牛舌

宋史包拯知天長縣。有盜割人牛舌者。主來訴。拯曰。第歸殺而鬻之。尋復有來告私殺牛者。拯曰。何爲割牛舌而又告之。盜驚服。又穆衍調華池令。民牛爲仇家斷舌而不知何人。訟於縣。衍命殺之。明日仇以私殺告。衍曰。斷牛舌者乃汝耶。訊之具服。此兩事相同。包在仁宗時。穆在神宗時。豈穆效包之所爲耶。抑其一誤耶。兩賢皆以吏治著稱。故善皆歸之。獨奈何作史者。亦不考其實。而分紀兩傳也。

人死於蚊

世傳露筋祠死於蚊者也。查初白有詩云：舊是鹿筋梁，何年祀女郎。以爲露筋娘，乃地名鹿筋梁之訛。然人固有死於蚊者。劉延世孫公談圃云：秦州西溪多蚊，使者行按，左右以艾烟薰之，有一廳吏醉仆，爲蚊所噴而死。

人無頭不死

說鈴所載兵亂之時，有人頭已斫而身不死，且能織屨，僉謂此人千古無雙矣。而正不然。日下舊聞引廣異記：清河崔廣宗，開元中爲薊縣令，犯法，張守珪梟其首，形體不死，昇歸，餓即盡地作饑字。家人進食於頸孔中，飽即書止字。家人等有過犯，書令決之。如是三四歲，世情不替。更生一男，一日書地云：後日當死。如其言。又趙葵行營雜錄：監左帑龍舒張宣義嘗言，有親戚宦遊西蜀，路經襄漢，晚投一店，行戶外，忽見旁左側上有一人無首，以爲鬼也。主人云：尊官不須驚，此

人也。非鬼也。往年因患瘰癧。病勢蔓延。一旦頭忽墮脫。家人以爲不可救。而竟不死。自此每有所需。則以手指畫。但日以粥湯灌之。至今猶存耳。此兩事。一在唐。一在宋。至如山海經所載海外西經奇肱之國。刑天與帝至此爭神。帝斷其首。葬之常羊之山。乃以乳爲目。以臍爲口。操干戚以舞。郭注曰。是爲無首之民。大荒西經壽麻之國。有人無首。操戈盾立。名曰夏耕之尸。故成湯伐夏桀于章山。克之。斬耕厥前。耕既立。無首。走厥咎。乃降於巫山。注曰。于章山名也。厥前。頭在前者也。走咎。逃避罪也。物無獨。必有對。人以少見多。惟耳。而若宋史忠義何時傳所載臨江軍舊斬一寇。尸能行一里許。衆壞爲肉身。臯陶明史楊廷麟死義時。頭已落而聲從項出。則其死雖異。而固不免於死也。

人死得雨而蘇

人死有得小雨而蘇者。宋史忠節傳曾意擊之孫也。意音護。又與國同。須次於越。建炎

二年金人陷越城中文武官並詣府。忘獨不往。爲隣人逮捕。見酋琶八。忘罵之家屬四十口並遇害。時子密甫四歲。與乳母張氏皆死。夜值小雨。張氏復蘇。顧見密亦蘇。尙吮其乳。郡卒陳海匿密以歸。後知南安軍。又趙立建炎三年。金人攻徐王復拒守。命立督戰。城陷。復與其家皆死。立巷戰。奪門以出。金人擊之死。夜半得微雨。而蘇乃殺守者。入城求復屍。手瘞之。金人北還。立率殘兵邀擊。斷其歸路。奪舟船。軍聲復震。

斷腸草

閩地有所謂斷腸草者。蓋野葛也。宋史王臻知福州。閩人欲報仇。或先食野葛。而後趨仇家求鬪。卽死其處。以誣仇人。臻辨察格鬪狀。被誣者往往釋去。俗爲少變。又吳及爲侯官尉。閩俗多自毒死。以誣仇家。官司莫能辨。及悉爲讞正。前後活五十三人。所謂自毒。卽此草也。此風至今有之。聞雍正年間。有撫軍下令。凡服此草死者。得實必杖。

責其尸。惡習頓減。通雅云。野葛一名黃藤。卽鈎吻也。一名火把花。言其紅也。南方草木狀曰。一名胡蔓草。彼以毒人不半日卽死。山羊食其苗卽肥。何子元曰。有野葛之地。必生薤菜。以薤汁滴野葛苗。當時萎死。薤今作蘘。有水蘘陸襲。魏武習啖野葛以食薤也。

方言

永年人李同知芳莎。作方言考。以釋永年之音。康熙初。知縣朱世緯

永年縣志載之。已刪去而亦有南北相同者。摘錄於後。如薤。音薤。除草也。詩以薤茶藝。

賴。爭攘也。左傳昭公十載。賴也。音賴。書。賴。善殺乃甲冑。整治。治之。又石仲容。整治器械。車。則野豕爲軋。

幕。音海。錢之背也。史記大月氏以。城。貯水器。貨殖傳。醢。小鬼。俗音鬼。必加小字。漢書。竿。音作漢。

傳。音馬。格。剛也。三國志。胡列。林。几下。田也。宋武帝爲殷。騾。北馬也。西涼李。左近。附近也。梁。

左近人。鈎。取坑。音亢。俗作坑。隋書。河東。騾。士。火。共事人也。唐書。兵志。合同。判契也。宋史。郭。

同。中。樓羅。軍士也。宋史。張思均。沙河人。質小而精。飲。音喝。飲水也。西。趾。足踐也。吳都賦。金蓮。

不分明。則金蓮非自東昏始也。苗。窺而相戲之聲。郭忠恕。陸。俗謂三也。北史。李素與使梁武帝。

逢人無貨。販。轉呼苗。陸。俗謂三也。北史。李素與使梁武帝。

妻甥姨兄弟

梁書裴邃傳其妻甥王篆之密啟高祖云裴邃多大言有不臣之節由是左遷始安太守妻甥者妻姊妹之子也若母之姊妹其子相謂曰姨兄弟世說曰阮千里姨兄弟潘安仁中外安仁詩所謂子親伊姑我父唯舅是許允壻南史梁韋叡傳時叡內兄王愷姨弟杜惲並有鄉里盛名伯父祖征謂叡曰汝自謂何如愷惲叡謹不敢對祖征曰汝小章或小減學識當過之然幹國家成功業皆莫汝逮也元魏劉郁遇劫賊呼曰齊州主簿房景遠是我姨兄賊曰我食其粥得活何忍殺其親景遠爲粥以食侯者又北史序傳李琰之自誇文章從姨兄常景笑而不許杜詩贈狄明府博濟云梁公會孫我姨弟姨兄弟之稱今惟江北有之江南但稱表兄弟若妻姊妹之子稱甥則今南北皆同其稱侄者乃妻兄弟之子也亦曰內姪

娣姒妯娌

爾雅釋親曰。長婦謂稚婦爲娣婦。娣婦謂長婦爲姒婦。劉熙釋名曰。長婦謂少婦曰姒。言其先來已所當法似也。長婦謂少婦曰娣。娣弟也。以後來也。世俗相沿。莫不以娣爲兄妻之呼。弟妻以姒爲弟妻之呼。兄妻矣。余考之。則別有二解焉。釋名又云。或曰。以來先後言之也。此一解也。鄭樵爾雅箋註曰。考之古義。兄弟之妻。旣爲敵體。故不以兄弟之長幼相命。但以年長於已則呼之爲姒。年少於已則呼之爲娣。左傳。穆姜謂聲伯之母爲姒。叔向之嫂。謂叔向之妻爲姒。是皆呼夫弟之妻也。知此。所謂長婦稚婦者。實以婦人之長稚也。此又一解也。至如爾雅曰。女子同出。謂先生爲姒。後生爲娣。所云同出。乃是同嫁一夫。公羊傳曰。諸侯娶一國。二國往媵之。以姪娣從。此乃姒娣而娣姒然。別爲一解矣。娣姒名古。後世又多異稱。劉熙曰。青徐人謂長婦曰植長。禾苗先生者曰植。取名於此也。荊豫人謂長婦曰熟熟。祝也。祝始也。張揖廣雅釋親曰。娣姪。姒姪。娣姒先後也。

字書引爾雅云。兄弟之妻相呼曰姒姒。考廣雅

原文初不如史記封禪書曰神君者長陵女子以子死
此未知所據
以子死漢亦祀見神

於先後宛若。宛若祀之其室。民多往祠。孟康曰。兄弟妻相謂先後宛若字也。顏師古曰。先音蘇見反。後音胡構反。古謂之娣姒。今關中俗呼爲先後。吳楚俗呼之爲如姒。是則先後猶云娣姒。而宛若乃其先後之字。非以宛若爲娣姒之別稱。而宛若又有先後也。近世文人厭娣姒娣姒之熟習。以宛若爲鮮新。卽望溪先生文集中。爲其同族諸母墓表。亦有曰。處宛若間。是當別有本耳。乃若方言以姒爲築。集韻以姒爲婿。應是沿訛熟祝之文。而字書謂兄弟之妻相謂皆曰姒。則又因左傳而曲爲解矣。

親家公

後漢書禮儀志云。西都舊有上陵東都之儀。百官四姓親家婦女公主諸王大夫外國朝者侍子郡國計吏會陵。此似但言姻親之家耳。而親家公之稱。則見隋書李穆弟渾傳。宇文述召李敏妻宇文氏口。

自傳授令敏妻寫表奏李家反狀煬帝覽之泣曰吾宗社幾傾賴親家公而獲全耳於是誅渾敏等宗族三十二人又房陵王勇傳高祖曰劉金驎諂佞也呼雲定興作親家翁定興愚人受其此語我前解金驎者爲其此事五代史劉昫傳唐廢帝時馮道與昫姻家同爲相道罷李愚代之惡道爲人凡事有稽失者必指以誚昫曰此公親家翁所爲也昫亦性褊遂相詆詬史吏揚言其事廢帝並罷之

阿奴

晉書列女周顗母李氏字絡秀嘗冬至置酒絡秀舉觴賜三子曰吾本渡江托足無所不謂爾等並貴列吾目前吾復何憂高起曰恐不如尊旨伯仁志大而才短名重而識闇好乘人之弊此非自全之道嵩性抗直亦不容於世惟阿奴碌碌當在阿母目下耳阿奴謨小字也後果如其言按周顗傳顗性寬裕友愛過人弟嵩嘗因酒瞋目謂顗曰君才不及弟何乃橫得重名以所燃蠟燭投之顗神色無忤徐

曰阿奴火攻固山下策耳。夫嵩謂誤爲阿奴。顓謂嵩亦云阿奴。然則阿奴豈是誤之小字哉。蓋兄於弟親愛之詞也。南史齊鬱林王本紀武帝臨崩執帝手曰阿奴若憶翁當好作。如此再而崩又鬱林王何如傳女巫子楊珉之有美貌妃尤愛之與同寢處如伉儷。明帝與徐孝嗣王廣之並面請不聽。又令蕭詵坦之固請皇后與帝同席坐流涕覆面坦之耳語於帝曰此事別有一意不可令人聞。帝謂皇后曰阿奴擊去隋書麥鐵杖傳將度遼謂其三子曰阿奴當備淺色黃衫吾荷國恩今是死日我旣被殺爾當富貴是則阿奴爲尊呼其卑無論男女皆有之矣。晉書誤認爲小名耳。

拜堂

杭謂婚夕爲拜堂。唐詩有之王建失釵怨云雙杯行酒六親喜我家新婦宜拜堂。蓋謂拜其堂上之印章也。

開房曰弄女媚法

世俗婚姻有鬧房之戲其由來已久北史后妃文宣皇后李氏傳云趙郡段昭儀韶妹也婚久韶妻元氏爲俗美女媚法戲文宣稱文宣銜之後因發怒謂韶曰我會殺爾婦元氏懼匿更太后家終文宣世不敢出此事北齊書不載然以女戲男今亦少有耳昭儀於後主時改適錄尚書唐書

物事

俗語物事見隋書張衡放歸田里帝自遼東還都衡妾言衡怨望謗訕朝政竟賜盡於家臨死大言曰我爲人作何物事而望久活監刑者塞耳促令殺之按所謂作何物事者謂煬帝奪宗之計也

把戲

元史禮樂志每歲二月十五日於大明殿啟建白傘蓋佛事謂之遊皇城其諸色隊仗內興和署掌妓女雜扮隊戲一百五十人祥和署掌雜把戲男女一百五十人此把戲二字之見於史者

乾阿嫺

北齊書恩倖傳穆提婆母陸令萱嘗配入掖庭後主襁褓之中令其鞠養謂之乾阿嬬遂大爲胡后所昵愛此後世乾阿嬬之稱之所自始也南史褚彥回傳宋明帝疾危殆馳使召之欲託後事流泣曰吾近危篤故召卿欲使着黃羅襪彥回悲不自勝黃羅襪乳母服也宋史胡寅上高宗書謂黃潛善汪伯彥方以乳嫗護赤子之術待陛下曰上皇之子三十人今所存惟聖體不可不自愛重是三人者其皆乾阿嬬歟若何承天年老荀伯子呼爲嬬母直以形如老嫗耳

婦稱太太

今世婦人貴者稱太太按漢書杜鄴傳云是時帝祖母定陶傳太后稱皇太太后又外戚傳云哀帝卽位傳太后尊爲恭皇太后後歲餘尊恭皇太后爲帝太太後又更號帝太太后爲皇太太后蓋漢制帝母稱皇太后祖母稱太皇太后時成帝母太皇太后在長信宮故變文以示不敢稱也後世太太之稱或本於此然觀宋以前未有此

稱胡應麟甲乙剩言云。有一邊道轉御史中丞。作除夕詩云。幸喜荆妻稱太太。且斟栢酒樂陶陶。蓋部民呼有司。眷屬惟中丞以上。得呼太太。故幸而見之歌詠。讀者大爲絕倒。然則明時此稱。猶有差等。不似近來巨室之僕婦。亦得稱也。

恩父義父義子

宋史陳自強嘗爲韓侂冑童子師。因侂冑由選人至兩地。才四年。嘉泰三年拜右丞相。歷封祁衛泰國公。嘗語人曰。自強惟一死以報師王母。稱侂冑爲恩主。恩父。其時倪思字正父言士大夫列拜於勢要之門。甚者制劄門賓。稱門生不足。稱恩坐。恩主。甚至於恩父者。指自強也。萬歷野獲編云。趙文華先爲監生。值分宜作祭酒。賞其文。成相知。後趙爲刑部主事。被察謫外。分宜強留之。升京堂。以至大用。遂拜分宜爲義父。愛踰所生。乃子世蕃時。時姍侮之。文華又私進百花仙酒於上。爲分宜所責。置絕其溫清。乃潛求救於歐陽夫人。一日家宴。甚

樂夫人舉觴曰。今合家歡聚。奈少文華耳。嚴述其負心狀。夫人解之曰。兒曹小忤。何忍遽棄之。趙先伏隱處。出而百拜泣請。始得侍觴席。未因。濫三孤。而世蕃終厭之。俄以觸上怒。分宜不爲救。斥爲民。以陳趙相較。似陳之稱門徒爲父。更甚於趙之以弟子稱子。要其無取則一也。其後魏忠賢之黨有五虎五豹十狗十孩兒四十孫。而如崔呈秀吳淳夫倪文煥田吉李夢龍。此五虎者。史明著其爲義子。當時都人作百子圖。演義駟之。嗚呼。四維不張。國乃滅亡。斯之謂矣。

夢山楚濱雙山念堂

牛班頭者。嚴世蕃之僕牛信也。見明史黃昇等讞詞。若嵩之奴乃嚴年。又名永年。號夢山先生。見明史又號崔坡。見長洲呂種玉言科臣吳時與疏云。家奴永年。官至百萬。賓客親識。位居撫顯。御史鄒應龍疏作嚴年。嵩敗。錮於獄。又有嚴冬。嵩置田宅於南京揚州數十所。俱以嚴冬主之。亦見鄒疏。野獲編云。其先有東省一詞林大僚。失懽於吳縣。不薦之。

入閣旋被白簡因作五七九傳七者游七名守禮號曰楚濱江陵之

僕也

守禮言結作守理縣不取錄及廣乘俱云江陵當園家人子游七司其山勅署號楚濱翰林一

大僚爲記以贈之而給事李某者與之通婚嫌翰林諸公贈詩及文而九卿給事御史投刺入

至四五次敵侯提帥延飲必九者宋九名徐賓從其主之姓號雙山主人吳

上座衣冠驕馬揚揚長安中

縣之僕也五者王五名王佐號念堂婁江之僕也五有骨董之僞邸

中游棍趨之嘗買都下名妓馮姓者爲妾然不甚爲惡游七頗作威

福入貲爲幕職冠進賢與士大夫宴會又娶妾與兩黃門李姓者姻

連其後犯事論斬錮於獄宋九頗與邊將往還通賂遺與李寧遠父

子爲爾汝之交納授京衛經歷覃恩封其父母按明史張居正傳馮

保客徐爵擢用至錦衣衛指揮同知署南鎮撫蒼頭游七入貲爲官

助戚文武之臣多與往還通剗好七具衣冠報謁列於士大夫世以

此益惡之而二申野錄云萬歷六年十月擢徐爵爲錦衣衛指揮同

知徐爵馮保門下人也居正旣擢用之又使游七與結爲兄弟居正

有所使游七入告徐爵以達馮保注云江陵紀綱號七與九者破其

家貲可贍一軍二年之費。是則九乃徐爵。亦江陵家人也。夫自宋以來。人無不有號。降及於明。而萼山崔坡。楚濱雙山。念堂之號。亦傳於世。昔日知錄稱古詩。昔有霍家奴。姓馮名子都。據晉灼引漢語。以爲馮毀子都。其字奴有字號。未有不白權要之家也。吳時興劾嵩疏云。主事董傳策言。吏兵二部選官。持簿任嵩填發。故俗呼文選郎。萬案爲文管家。武選職方郎祁祥爲武管家。嗟乎。家奴而冠蓋。則曹司而管家矣。時興廷杖謫戍。幸而免乎。

樂戶

北齊神武秉魏政。遷都於鄴。京畿羣盜頗起。有司奏立嚴制。諸強盜殺人者。首從皆斬。妻子同籍配爲樂戶。其不殺人及贓不滿五匹。魁首斬。從者死。妻子亦爲樂戶。見魏書刑罰志。後世樂戶之名所仿也。

劊手

主刑刀者名劊手。宋史所載。寧宗嘉定時。楊簡知温州。以郡將違節。

制應斬建旗立巡尉庭下召劊手兩行夾立數其罪命斬之劊手非忍人不能爲也而亦有善人焉潘美傳云信都人李超從潘美軍中主刑刀美好乘怒殺人超每潛緩之美怒解輒得釋全者甚衆人謂其有陰德子溶中進士官至右司郎中至如金史酷吏傳稱馮內翰璧號爲馮劊此其人豈不對劊手而有愧乎

藏挾

今有所謂變戲法者卽古吞刀吐火之遺意在宋謂之藏擲墨客揮犀云丁晉公謂與夏英公竦會宴齋宮伶人有雜手技號藏擲者在焉丁謂夏曰古無詠藏擲詩內翰可作一首卽席獻詩云舞拂跳珠復吐丸遮藏巧技百千般主人端坐無由見却被傍人冷眼看亦名藏挾伎文獻通考列之百戲云藏挾幻人之術蓋取物象而懷之使觀者不能見其機也

猴部頭

宋江休復隣幾雜誌云猴部頭猿父也衣以緋優服韋布昭宗時梁祖受禪張御筵引至坐側視梁祖忽奔走號躑褫其冠服全忠怒叱令殺之唐之舊臣無不愧怍按昭宗播遷隨駕有弄猴者猴能隨班起居昭宗賜以緋袍號孫供奉羅隱詩云十二三年就試期五湖烟月奈相違何如學取孫供奉一笑君王便着緋今之猴演戲者衣紅布短衣乃是唐末相沿若此

選官圖

陞官圖前人謂之選格今謂之百官鐸相傳此圖乃倪鴻寶所作其官制皆明之官制也其實官名雖從時而圖戲則自唐已有方千里散子選格序云開成三年春于自海上北行次洞庭之陽有風甚繁繫船野浦下三子遇二三子號進士者以穴幣雙雙爲戲更投局上以數多少爲進身職官之差數豐貴而約賤卒局有爲尉掾而止者有貴爲將相者有連得美名而後不震者有始甚微而倏然在上位

者太凡得失不係賢不肖。但卜其遇不遇耳。文獻通考經籍有漢官儀新選一卷。劉敞撰。取西漢之官。而附其列傳黜陟。可戲笑。雜編之以爲博奕之一物。又有進士采選一卷。趙明遠景昭選此。元豐末。改官制時。遷除格例也。武林舊事市肆記有選官圖。口號云。環合官圖展觀呼象子。見於咏歌者。孔平仲毅父有選官圖。口號云。環合官圖展觀呼象子。圓飛騰隨人赤摧折在雙元。避諱改。非出韻。已貴翻投裔。將薨却上天。須臾文換武。俄頃後馳先。錯雜賢愚品。偏頗造化權。望移情欲脫。患失膽俱懸。愠色觀三已。豪心待九遷。寧知卽罷局。榮辱兩茫然。至如遼史言。道宗晚年倦勤。用人不能自擇。令各擲骰子。以采勝者官之。耶律儼嘗得勝采。上曰。上相之徵也。遷知樞密院事。封越國公。此則真以骰子選官者矣。

紙牌

紙牌之戲。前人以爲起自唐之葉子格。宋之霍格。小葉子格。然葉格

戲似兼用骰子。蓋與今之馬吊遊湖異矣。世人多謂馬吊之後變爲遊湖亦非也。二者一時並有。特馬吊先得名耳。馬吊本名馬掉脚。約言之曰馬掉。後又改掉爲吊。謂馬四足失一則不可行。明時或說脚爲角。遊湖廣三十葉爲六十葉。其名自康熙間始有。然前人用三十葉。其曰看虎。一名曰扯三章。曰扯五章者。卽遊湖也。杭之西湖。蘇之虎邱。揚之紅橋。其船皆曰湖船。客皆曰遊湖。馬掉取乘馬之義。遊湖取乘舟之義耳。其見於書而可摘錄者。若唐蘇鶚同昌公主傳。宋歐陽公歸田錄。馬貴與經籍考。王闢之澠水燕談錄。四水潛夫。南宋市肆記。宋史藝文志。遼史穆宗本紀。明方密之通雅。吳梅村綏寇紀畧。顧寧人日知錄。周坦然觀宅四十吉祥相。周櫟園因樹屋書影。王阮亭分甘餘話。王敬哉冬夜箋記。申鳧盟荆園小語。鈕玉樵觚賸。呂種玉言鯖。孫之騷。二申野錄。高江村天祿識餘。而如通雅所引之咸定錄。惠棟漁洋詩訓纂所引之品外錄。此二書猶未之見也。其獨成一書者。則有汪伯玉數錢葉譜一卷。潘之恆葉子譜一卷。續葉子譜一卷。黎遂球運掌經一卷。龍

子猶牌經十三篇一卷馬弔牌例一卷皆明代人也明時紙牌其名

有曰空湯瓶曰半盤五割切缺齒也又器缺也亦曰鬚客又曰枝花謂花未成果其自一至九咸呼為果曰

尊曰極今猶有襲其名者而潘氏所云序為順純為豹順又作猿或

作徽音速又作徽音速豹則有半豹天豹且自一至九刻畫其邊圍曰刻

畫品各有其名一為截角二為斜眼三為豹牙四為內缺五為雙白

六為雙箸七為斜齒八為外缺九為弦月又有曰駁曰虎曰獬亦作現

曰劫又曰穿山鉀曰駕曰狻借亦作羶富又作曰雄三九曰真君三三

曰少君與夫馬掉之所謂大小公突雌突今人知其名者鮮矣

骨牌

骨牌之戲乃骰子之變故宣和譜以三牌為率三牌乃六面也後人

天九之戲見于明潘之恒續葉子譜謂分華夷二隊至今猶然譜云

近叢睦好事家變此牌為三十二葉可執而行按此則今人骨牌拋

湖之濫觴也叢睦乃吾里當時多鉅富者大凡遊戲之事必自富貴

人倡之。此與詩窮而後工可反觀也。

大和尚

僧之尊者稱大和尚。自晉始也。魏書釋老志。天竺沙門浮圖澄爲石勒所宗信。號爲大和尚。軍國規模頗訪之。唐僧惠能稱大師。元奘稱法師。元西番僧。若八思巴。膽巴。稱國師。稱法王。至明而虎篤度謂之活佛。然虎篤度非名也。元明宗之廟號國語譯號曰護都篤。正此意。此猶今云圖克圖。亦云胡土克圖。遂相沿以爲再來人耳。今稱達賴喇嘛。應卽大和尚之謂也。魏志又云。漢世沙門皆衣赤布。後乃易以雜色。然則漢僧所服。殆猶今喇嘛之紅教者歟。喇嘛分黃教紅教而黃爲貴衣黃衣明史輿服志。洪武十四年。定禪僧茶褐常服。青條玉色袈裟。講僧玉色常服。綠條淺紅袈裟。教僧皂常服。黑條淺紅袈裟。今之僧以賜紫者爲貴。此猶唐宋之制三品以上乃得衣紫也。若其所謂三衣者。大衣曰僧伽黎。七衣曰鬱多羅僧。五衣曰安隨會。此非國制。乃用彼法耳。

七七

佛教興而人死有七七之期。俗謂天干至七則剋。地支至七則衝。以其衝剋爲之禳解。其事蓋始元魏時。魏書外戚胡國珍薨。年八十。詔自始薨至七七。皆爲設千僧齋。令七人出家。百日設萬人齋。二十七人出家。北齊書儒林傳孫靈暉。嘗爲南陽王綽師。從綽死後。每至七日及百日。靈暉恒爲綽請僧設齋。傳經行道。隋書林邑風俗。七七散花香。百日如之。按路使發揮云。人生四十九日而七魄全。其死四十九日而七魄散。七七之說。固亦有義。因而齋僧。遂爲後世飯僧之濫觴。遼道宗一歲飯僧三十六萬。一日祝髮三千。初不必有所爲矣。

釋道方術

漢書藝文志有房中八家。百八十六卷。托名於黃帝。容成務。成子堯舜。湯盤庚。天老。天一。謂之陰道。王莽傳莽日與方士昭君等考驗方術。縱淫樂焉。三國魏左慈人競受其補導之術。乃至閹豎嚴峻亦往。

從問受房中之書。出自道家之流也。佛法以殺盜淫妄言飲酒爲五戒。乃自佛教始興。而鳩摩羅什。妻龜茲王之女。及講經草堂寺。謂有小兒登其肩。慾障須婦人。姚興召官人進之一交。而生二子。興又送以伎女十人。諸僧欲效之。什乃聚針盈鉢。舉七進針。以愧諸僧。沮渠蒙遜傳云。劉賓沙門曇無讖。東入鄯善。自云能使鬼治病。令婦人多子。與鄯善王妹曼頭陀林私通。亡奔涼州。蒙遜寵之。號曰聖人。曇無讖以男女交接之術。教授婦人。蒙遜諸女子婦皆受其法。魏主召曇無讖。蒙遜殺之。舊唐書中天竺北臨禪連河。云昔有婆羅門領徒千人。肄業於樹下。樹神降之。遂爲夫婦。宮室自然而立。僮僕甚盛。于是使役百神。築城以繞之。經日而就。此特異域傳聞。不知何時事也。唐宋之代。邪說不行矣。至於元。乃有番僧。元史順帝紀及姦臣哈麻傳。至元十三年。哈麻禿魯帖木兒等。進西天僧運氣術。號演揲兒法。又進西番僧伽羅真。善秘密法。謂帝曰。人生能幾何。當受此秘密大喜。

樂禪定十四年以宮文三聖奴妙樂奴文殊奴等一十六人按舞名為十六天魔以宦者長安迭不花管領宮官受秘密戒者得入餘不得預演揲兒法者華言大喜樂也亦名雙修法房中術也哈麻妹婿禿魯帖木兒與老的沙等十人俱號倚納帝以西天僧爲司徒西番僧爲國師其徒皆取良家女三四人奉之謂之供養帝諸弟郎與諸倚納皆在帝前褻狎男女裸處號所處室曰暨卽兀該華言事事無礙也

大都宮殿考宮文閣旁有秘密堂

然非自順帝始也英宗塑馬哈吃刺佛像於延春

閣之微清亭下成宗塑秘密佛像於京師萬寧寺先有是像至順帝時更有是法明永樂中建大善殿以金銀塑佛像百六十九座於梁上備諸淫褻狀至嘉靖時乃毀之以建慈寧宮西域傳云成化初憲宗復好番僧至者日衆劄巴堅參劄實巴領占竹等以秘密教得幸並封法王其次爲西天佛子他授大國師國師禪師者不可勝紀嗟乎邪說之行雖明斷如憲宗猶不能不爲所惑哉

西遊記

小說有言極荒誕而實有本者。樹生小兒載在任昉述異記。而舊唐書西戎傳述之。云大食國在波斯之西。波斯國在京師西一萬五千三百里俱紛地。那山在國之西南。隣大海。其王嘗遣人乘船。將衣糧入海。經八年而未及西岸。海中見一方石。石上有樹。幹赤葉青。樹上總生小兒。長六七寸。見人皆笑。動其手脚。頭著樹枝。其使摘取一枝。小兒便死。收在大食王宮。此卽西遊記所謂人參果也。吐谷渾西北有流沙數百里。夏有熱風。傷斃行旅。此卽所謂流沙河也。通考載女國有二。有東女國。西女國。西戎傳謂大食西北相去三月行。有女國。此卽所謂女國也。西遊記是元邱處機所作。當時元焚西域記。或尙未亡。且通考注所引如法明遊天竺記。支僧載外國事。法盛諸國傳。道安西域志。佛國記。曇勇外國傳。智猛外國傳。支曇諦烏山銘。所載奇踪詭跡。又不止一元焚也。

琵琶記乃牛僧孺事

作琵琶記傳奇者。或云高明字則誠。或云高拭字則成。竹垞詩話云。世傳琵琶記爲薄倖王四而作。此殆不然。陸務觀詩云。斜陽古柳趙家莊。負技盲翁正作場。死後是非誰管得。滿村聽說蔡中郎。則自南宋已然。不自元明間也。按牛丞相卽牛僧孺。而中郎之謚。其說不一。元人周達觀誠齋雜記云。僧孺有子名繁。與其同鄉人蔡生同舉進士。才蔡生欲以女弟適之。蔡已有妻趙氏。力辭不得。牛氏與趙相與甚歡。蔡後至節度副使。紐玉樵觚臚言云。僧孺子牛蔚與同年友鄧敞相善。強以女弟妻之。而牛氏甚賢。鄧元配李氏亦婉順有謙德。鄧攜牛氏歸。牛李二人各以門第年齒相讓。結爲姊妹。其事本玉泉子。作者以歸伯喈。蓋憾其有愧於忠。而以不盡孝讓之也。按舊唐書載僧孺二子蔚繁。蔚登太和九年進士第。繁登開成二年進士第。俱仕爲節度使。雜記所二繁者。疑是繁字之訛。蔚襲封奇章侯。其名尤著。

故玉泉子遂以為蔚。而蔡趙之姓。雜記尤為符合也。又考杜牧之作
牛丞相墓誌銘。所載五男六女。長男蔚。次叢。次奉。二入皆稚齒。牛公神道碑亦曰二人未知名長女嫁上黨苗愔。次嫁范陽張洙。次嫁常山張希復。次嫁
前進士鄧淑。次未笄。一人始數歲。則鄧敞。又是鄧淑之訛。要之小說
所言。其為傳聞。總難取信耳。

一捧雪是清明上河圖

一捧雪傳奇。所謂莫懷古者。隱名若謂莫好古玩。好古如以手捧雪。
不可久也。所指乃王忬事。忬字思質。弇州山人世貞父也。沈德符萬
歷野獲編云。嚴分宜勢熾時。以諸珍寶盈溢。遂及書畫骨董。時邸懋
卿以總漕使江淮。嘉靖三十九年。嚴嵩令部御史蔡夢弼總理天下鹽政。懋卿為其區其
妻從行。至蘇州。以十二女。各長一歲。行誦代。至以文錦飾。謂白金飾。
胡宗憲趙文華。以督兵使吳越。嘉靖三十四年。工部侍郎趙文華奉命督漕。神
各承奉意旨。蒐取古玩。不遺餘力。傳聞有清明上河圖手卷。并景現江原。嚴嵩三十五年復遣文華視師江南。宋張擇
端畫。在故相王文恪胄君家。鉅富難以阿堵動。乃託蘇人湯臣者往。

圖之。湯以善裝潢知名。客嚴門下。亦與婁江王思質中丞往還。乃說王購之。王時鎮荊門。卽命湯善價求市。旣不可得。遂屬蘇人黃彪摹真本應命。黃亦畫家高手也。嚴時旣得此卷。珍爲異寶。用以爲諸畫壓卷。置酒會諸貴人賞玩之。有姤中丞者。知其事。直發其爲贋本。嚴世蕃大慙怒。頓恨中丞。謂有意紿之。禍本自此成。或云卽湯姓。忽弁州伯仲。自露始末。不知然否。又王襄廣彙云。嚴世蕃嘗索古畫於子云。值千金。忤有臨幅。絕類真者。以獻。乃有精於辨畫者。往來世貞家。有所求爲世貞斥之。其人知忤所與世蕃畫。非真幅也。密以語世蕃。會大同有虜警。御史阿意論劾。巡按方悅劾子失機被逮論死世蕃遂告嵩票本。以致論死。廣彙所載較畧。而情節相同。孫退谷寓日記云。上河圖乃南宋人追憶故京之盛。而寫清明繁盛之景也。傳世者不一而足。以張擇端爲佳。上有宣和天歷等璽。余於淄川士夫家見之。宋人云。京師雜賣鋪。每上河圖一卷。定價一金。所作大小繁簡不一。大約多畫院中人

爲之。若擇端之筆。非畫院人所及也。孫之騷。二申野錄注云。後世蕃受刑。弇州兄弟。贖得其一體。熟而薦之於父。靈大勸兩人對食。畢而後已。詩畫貽禍。一至於此。然有小人交構其間。釀成尤烈。按所云詩者。楊椒山死。弇州以詩弔之。爲刑部員外。况叔祺告於嵩也。所云畫。卽指此圖也。所云小人。則叔祺。湯臣輩耳。按上河圖有徽宗宣和之變。則張昇端尚是北宋人。天歷乃元文宗號也。

楊六郎

楊延昭稱楊六郎。見宋史楊業傳。業遷史作楊繼業并州太原人。事劉崇爲建雄軍節度。所向克捷。國人號爲無敵。遷代州。兼三交駐泊兵馬都部署。雍熙三年。大兵北征。業副潘美。連拔雲。應。寰。朔四州。師次桑乾河。會曹彬之師不利。諸路班師。契丹國母蕭氏與大臣耶律漢寧等復陷寰州。護軍王侁令業趨雁門北口。業以爲必敗。不可侁逼之行。業指陳家谷口曰。諸軍於此張步兵強弩。俟業轉戰至此。卽以步兵夾擊。援之。美與侁陣於谷口。自寅至巳。侁使人登托邏臺望之。以爲契

丹敗走欲爭其功領兵離谷口美不能制緣交河西南行二十里俄聞業敗卽麾兵却走業力戰自午至暮至谷口望見無人拊膺大慟再率帳下士力戰身被數十創士卒殆盡業猶手刃數十人馬重傷不能進爲契丹所擒其子延玉亦沒焉業不食三日死業敗時麾下尙百餘人無一人生還者業贈太尉潘美降三官仇除名遼史聖宗本紀云統和四年宋將楊繼業初以驍勇自負號楊無敵北據雲朔數州至是引兵南出朔州三十里至狼牙村惡其名不進左右固請乃行遇斜軫伏四起中流矢墮馬被擒瘡發不食三日死遂爾其首以獻詔傳其首以示諸軍仍宣諭南京平州將吏自是宋守雲應諸州者聞繼業死皆棄城遁又耶律斜軫傳云斜軫聞繼業出兵令蕭撻凜伏兵於路明日繼業兵至斜軫擁衆爲戰勢繼業麾幟而前斜軫佯退伏兵發斜軫進攻繼業敗走至狼牙村衆軍皆潰繼業爲流矢所中被擒斜軫責曰汝與我國角勝三十餘年今日何面目相見

繼業但稱死罪而已。初繼業在宋，以驍勇聞，人號楊無敵。首建梗邊之策，至狼牙村，心惡之，欲避不可得，既擒，三日死。又耶律奚低傳云：繼業敗於朔州之南，匿深林中，奚低望袍影而射，繼業墮馬，先是軍令須生擒繼業，奚低以故不能爲功。業子延昭爲緣邊都巡檢使，宋史咸平二年冬，契丹攻遂城，延昭集丁壯護守，會大寒，汲水灌城上，旦悉爲冰，堅滑不可上，契丹遂去。拜莫州刺史，真宗駐大名，召赴行在，訪以邊要，帝甚悅。是冬，擊契丹，進團練使，復爲都巡檢使，徙寧邊軍部署，率兵抵邊境，破古城，俘馘甚衆，進保州防禦使，在邊防二十餘年，契丹憚之，目爲楊六郎。及卒，帝嗟悼之，錄其三子，官其常從門客，亦試藝甄敘之。子文廣，字仲容，爲定州路副都總管，遷步軍都虞候。明一統志：楊令公祠在密雲縣古北口。祀宋楊業，日知錄曰：業生平未嘗至燕，況古北口又在燕東北二百餘里，地屬契丹久矣。業安得而至此？且史明言雁門之北口，而以爲密雲之古北口，是作志者

東西尚不辨。何論史傳哉。密雲縣志。威靈廟在古北口北門外一里。祀宋贈太尉大同軍節度使楊公。成化十八年。禮部尙書周洪範記。引宋史全文而不辨雁門北口之非其地。豐閏縣志。令公村在縣西十五里。宋楊業屯兵拒遼於此有功。故名。並承一統志而誤。

宋江

宋史徽宗本紀。宣和三年二月。淮南盜宋江等犯淮陽軍。又犯京東。江北入楚海州界。命知州張叔夜招降之。侯蒙傳。宋江寇京東。蒙上書言。江以三十六人橫行齊魏。官軍數萬無敢抗者。其才必過人。今青溪盜起。不若赦江。使討方臘。以自贖。帝曰。蒙居外不忘君忠臣也。命知東平府未赴而卒。張叔夜傳。張子祐傳叔夜再知海州。宋江起河朔。轉畧十郡。官軍莫敢嬰其鋒。聲言將至。叔夜使間者覘所向。賊徑趣海濱。劫鉅舟十餘載。鹵獲于是募死士得千人。設伏近城。而出輕兵距海誘之。戰先匿壯卒海旁。伺兵合。舉火焚其舟。賊聞之皆無鬪

志。伏兵乘之。擒其副賊江乃降。按侯蒙傳。雖有使討方臘之語。事無可考。宋江以二月降。方臘以四月擒。或藉其力。但其時擒臘者。據徽宗本紀。以爲忠州防禦使辛興宗。據童貫傳。以爲宣撫制使童貫。而其實擒臘者。乃韓世忠。以偏將窮追至青溪峒。問野婦得徑。渡險數里。搗其穴。格殺數十人。擒臘以出。辛興宗掠其俘爲己功。故賞不及世忠。此載在韓傳。於宋江何與焉。方勺青溪寇軌云。歙守曾孝蘊以京東賊宋江山。青齊濟濮間。有旨移知青社。又云。方臘之亂。曾待制出守賊不敢犯境。宋江擾京東。曾公移守青社。歙州遂陷。是曾因宋江而去歙。歙所以陷也。而用宋江討方臘。則青溪寇軌亦無其事。若陸次雲湖瑞雜記。謂六和塔下。舊有魯智深像。進龍浦下。有鐵鎖關。說是宋江藏兵處。國初江許人掘地得石碣。題曰武松之墓。當日進征青溪。用兵於此。裨乘所傳。不盡誣也。此恐是杭人附會爲之。不然南宋人紀錄多矣。何無一人言之。閱四百餘年。始有此異聞與。

王則張巒卜吉

宋史仁宗本紀慶歷七年十一月貝州卒王則據城反八年閏月貝州平磔王則於市知貝州張得一坐降賊伏誅明鎬傳云王則叛命鎬爲體量安撫使則未下又命文彥博爲宣撫使以鎬副之王則本涿州人歲饑流至恩州隸宣毅軍爲小校恩冀俗妖幻相與習五龍滴淚等經及圖識諸書言釋迦佛衰謝彌勒佛當持世初則去涿母與之訣別刺福字於其背以爲記妖人因妄傳字隱起爭信事之州吏張巒卜吉主其謀以慶歷七年冬至叛執知州張得一囚之殺通判董元亨及參軍王燮旣而節度判官清河令主簿皆被害僭號東平郡王以張巒爲宰相卜吉爲樞密使建國曰安陽改年曰得聖以十二月爲正月百姓年十二以上七十以下皆涅其面曰宜軍破趙得勝有州民約爲內應夜垂組以引官軍賊覺率衆拒戰則期正月十四日出要刼契丹使謀者以告鎬伏兵西門賊果以數百人夜出

伏發皆就獲城峻不可攻乃爲距闔將成爲賊所焚遂卽南城爲地道日攻其北牽制之及文彥博至穴通城中選壯士中夜由地道入衆登城賊縱火牛官軍以槍中牛鼻牛還攻之賊大潰開東門遁總管王信捕得則餘衆保村舍皆焚死檻送則京師支解以徇則叛凡六十六日按張得一者張耆之子耆傳云得一守貝州妖人王則作亂得一爲草禮儀伏誅後耆之孫叔夜靖康入衛遂從以北次白溝過界河仰天大呼而卒叔夜不知何人子也馬遂事則忠節傳詳載之

烟草

少時與友人論烟草因搜羣籍輯爲一編曰金絲錄必已見刻本者方錄之凡四卷曰原起曰劇談曰品題曰炯戒引書三十餘種

庭訓格言一則清文鑑菰菜類譯文一則露書錯篇二則

明蕭田姚族字

園客物理小識一則桐城方以智方中履語一則中履字素北乃密之子綬冠紀畧

一則太倉吳偉業日知錄一則崑山顧炎武遲山堂鳧史一則永年申潘光

蚓菴瑣語一則馮李王通香祖筆記一則著問錄原也分甘餘語一

則前人點書一則德州田文燕山閣知新錄一則豐山王士正景岳本草一

則合符張介真本草彙言二則錢璵倪朱謨龍沙紀畧二則周城方式濟澳

門紀畧澳蕃篇二則澳譯殿於篇一則寶山邱光任議輔通志土

產一則名宦王臨一則福建通志一則龍巖律例二條紫禁城內方望

溪宗伯條奏并部議條奏列入文集部陳榕門中丞江西條奏并部議俱

刻報其詩詞則益山集都下竹枝詞二首桐城方文賦贖引詩吳江紐琇

適齋集美人飲燭詩十五首臨川李來泰蘭津草堂詩一首德州田應子

錢其臣雜詠詩一首常熟錢樸敬業堂集詩一首海寧查慎行樊榭山房

集天香詞一首并序錢樸四子聯句詩一首山陰劉文府無

不宜齋未定藁長律一篇仁和翟顯所惜韓慕廬宗伯嘗命其門人輩

賦淡巴菰歌今竟無一篇傳者錄既輯成復自為序之曰烟草之名

賦淡巴菰歌今竟無一篇傳者錄既輯成復自為序之曰烟草之名

若石馬浦城衡易之繫以地黃紫以色生熟以製大率市暨賣價之名傳於牛童馬走之口以余所聞曰打姆巴古曰淡巴菰曰淡把姑曰大孖古曰淡肉果曰擔不歸曰醺曰金絲醺曰金絲烟曰芳草曰烟酒而總名曰烟世未悉其名莫究所始遂疑起自近百年來者暇日採諸舊聞附以詞流題詠歸之於懲戒彙爲金絲錄昔東皐子述大樂署史焦草酒法桑苧翁備言茶之原之法之具並尊以爲經以烟草鋪芬吟嘜歷亂冬春浮食籍之百襲華罔筴之萬口茶鎗酒榼時交進焉著於錄或者不爲文士所鄙笑耶

附錄少作四首 移根呂宋始何年芳草從新拜號烟匹馬就輶歸漢壘一軍提鼓入蠻天漸教禁樵權豐幣競以吹噓費壯錢茶苦南中空紀錄酩奴人久薄春泉 瑤草耕烟歲取資黃雲葉葉柳絲絲茅柴霽景編籬薄篋篋宵分析縷遲風俗小面盛滿把火傳重暈結相思傾心還有壺公在鼻觀通參出愈奇 龍巖石馬外諸餘于囊

于囊聚物殊。食籍數浮黃。矮菜詞林名。重淡巴菰。三餐果腹初。虛口
五字微。陰正惜鬚。擷取及時供。絡繹并申僮。約古從無。偶共香燒
性已諧。一枝焙焰手。頻擔方言有。底爭衡酒。詩境無聊作。配藍噓氣
憑。依吞篆少。熏心虛美落。灰慙不知通。介誰邊得。暇采芸編佐。筆談

談書錄畢